

清朝十帝像

附子略

清  
朝  
十  
帝  
像  
附  
事  
略

北 平

楊梅竹斜街路南中華印書局印

## △弁言

明末之際 流賊張獻忠李闖日以剽掠殘殺爲事 海內鼎沸 幾無靖土  
迨陷燕京 毅宗殉國 吳三桂將降李闖 旋以陳圓圓爲李闖所虜 遂  
定計請兵於清 清是時養精蓄銳 久圖拓殖 多爾袞遂長驅直入 遂  
李闖佔燕京 迎福臨 即中國皇帝位 改元順治 女貞之族 爰爲華夏  
之冠 於是清室自順治至宣統 凡十帝 共二百六十九年 其中世祖  
聖祖世宗之興盛 高宗仁宗之有爲 宣宗文宗之暗懦 鴉片役之失策  
耶蘇教之輸入 太平及捻匪之起 西后之專姿 內府數百年珍寶  
入外人之手 東交民巷各國使館之建設 德宗之被幽 清運之告終

纂者秉筆直書 搜集各史 并關於清事各書 力求核實 抱述而不作  
之旨 因通俗起見 故將十帝一后事 特以紀元記事 留心清事者  
盍少鑒諸



◁ 順治御容 ▷

世祖章皇帝 (係太宗第九子) 母孝莊文皇后  
 臨 帝雄才大略 諸貝勒擁戴  
 任 太宗崩 諸貝勒擁戴  
 之 得濟爾哈朗 多爾袞  
 等輔政 迨李自成陷燕京  
 僭帝號於武英殿 明毅  
 宗殉國 多爾袞入京 逐  
 自成 迎福臨即帝位 改  
 元順治 封睿親王多爾袞

爲叔父攝政王 朝鮮入貢 平江南 收湖北 免開架稅 除貫穿耳鼻之刑 盡除明季諸弊政 明帝由松聿鍵由榔起 次第削平 自成被殺於湖北之九宮山 張獻忠被殺於四川之西充 吳三桂弑明帝 重兵在握 勢焰炙手 帝知其饑則依人 飽則飛揚 屢欲解其兵權 恐促其變 故不得不暫留之 以待時機 時尙可喜耿精忠均兵強馬壯 難以制服 帝亦以海內甫定 不能不暫留之 以待後圖 先其急 後其緩 當革者革之 故清室初政 咸謂措置裕如 洵開創之英主 在位十八年





◁ 容 御 熙 康 ▷

聖祖仁皇帝（係世祖第三子 母孝康章皇后佟氏）  
 名玄擘 舉止端肅 志量恢宏 為清室第一英主  
 讀書能一目十行 帝王政治 聖賢心理 無不融會  
 貫通 纂字典 批通鑑 正歷數 挽弓十三鈞 用  
 矢十三握 左右騎射 顧盼自雄 發必中的 禁非

刑拷訊 給孤貧口糧 平三藩 取台灣 定俄約 親征噶爾丹 定西藏 數巡邊塞 闢前古未闢之封疆 服從來未服之方國 戶口繁增 風俗醇美 六十一年 泰運光昌 世當極治 大業冠於百王 景福超於萬禩 允武允文 多才多藝 信大有爲之主 惟晚年子嗣過多 人各樹黨 黜冢嗣胤祔 廢不復立 壽六十五歲 人民如喪考妣





◁ 容 御 正 雍 ▷

世宗憲皇帝（係聖祖第四子 母孝恭仁皇后吳雅氏）  
 名胤禛 博覽書史立就  
 萬言 常奉命隨征 統率  
 將士 品評人才 因端竟  
 委 燭照如神 錙銖不爽  
 初封多羅貝勒 晉封和  
 碩雍親王 用年羹堯岳鍾  
 琪 征准噶爾 平苗亂  
 惟性忌刻 戮兄弟 殺功

臣 大興文字之獄 嚴刑殘殺 禍及無辜 致令是時人民 口慄心悸  
側目重足 敢怒而不敢言 以上三帝爲專制時代之雄主 惟箝制言  
論 束縛士林 是失人心之由 居位十三年 壽五十八歲



◁ 容 御 隆 乾 ▷

高宗純皇帝（係世宗第四子 母孝聖憲皇后鈕祜祿氏）名弘曆 六歲讀書 過目成誦 為聖祖仁皇帝之最孫 雍正十一年 封和碩親王 旋命綜理軍機 諮訣軍國大計 善騎射 愛欄狩 巡幸 禁非刑 免錢糧 正禮樂 定朝儀 立四庫全書館 征准

噶爾平回部之亂 服緬甸 平金川台灣安南等地 自號十全老人 古  
稀天子 在位六十年 內禪皇十五子 稱太上皇 又四年崩于養心殿  
八十九歲 改元乾隆 且帝尤善書法 真草隸無不精熟 古代名人  
書畫 及中國秘笈 搜藏孔多 故現在故宮關於文化事件 觸目有乾  
隆字樣 最好書畫 均有古稀天子 太上皇 乾隆御覽之寶 宮中御  
題詩句甚多 是清室十帝中文學之最著者 是時承平日久 國富民  
殷 可謂盛稱極治矣





◁ 嘉慶御容 ▷

仁宗睿皇帝（係高宗第十  
五子 母孝儀純皇后魏佳  
氏）名頤琰 改元嘉慶  
乾隆三十八年 帝十四歲  
上元前夕宴親藩 特命  
奉觴上壽 是年高宗遵密  
建家法 親書帝名緘固藏  
于乾清宮正大光明匾內  
帝舉止凝重 神明內蘊  
英詞炳尉 援筆立就 親

政之初 首誅和坤 時白蓮教乘機起於湖北 蔓延河南四川陝西甘肅  
各處 帝命畢沅等剿滅 雖所殺甚多 然兵起益盛 後諸將連進擊  
大蹙其勢 而四川徐天德王三槐又起 各擁衆數萬 抄掠郡縣 額勒  
登保既平苗族 更率兵至鄂 助諸將出擊各路 諸將橫行各地 侵掠  
益甚 後王三槐戰敗 走雲陽 額勒登保遂俘三槐 攻安樂坪 下其  
餘黨 帝以諸將弗克成功 專任額勒登保 遂生擒劉之協徐天德等  
額勒登保分遣諸將剿各地之匪 漸次平定 是時海盜蔡牽出沒海島  
勢甚猖獗 李長庚履破之 卒平其黨帝可謂守成之英主 居位二十五  
年 壽六十一歲



◁ 容 御 光 道 ▷

宣宗成皇帝 係仁宗次子  
名寧旻 平回部 暗于  
用人 林則徐督兩廣以兵  
力逼英商獻其所有鴉片  
英出一千餘函 則徐欲出  
其全數 英人不從 遂斷  
其市 英出全數 則徐燒  
之 禁互市 則徐修戰備  
帝任伊里布及琦善 與  
英議和 盡反則徐所爲



撤其所設各地兵備 且以則徐過激致變 褫奪其職 英人陽撤兵 而又侵浙東 擾廣東 英兵所至 勢如破竹 宣宗使者英等議和 訂約七條 賠償金二千一百萬兩 香港給英管轄 開廣州福州寧波廈門上海五港爲互市場 而鴉片輸入之禁 沒有一字提及 爲中國外交失敗之始 于是內地既通互市 耶蘇教乘此輸入 簧鼓我邦 佔據各地設堂勸教 內訌遂起 居位三十年 六十九歲 改元道光



◁ 容 御 豐 咸 ▷

文宗顯皇帝係宣宗第四子  
名奕訢 是時西南則有  
洪楊之亂 東北則有捻匪  
之虞 因捕太平之黨 開  
釁英法 聯軍入京 焚圓  
明園宮殿 帝走熱河 議  
和賠款千八百萬兩 割九  
龍與英 海參威與俄 且  
與訂愛輝條約 失黑龍江  
地數千里 當時外侮既盛

太平捻匪之勢不衰 賴曾國藩曾國荃左宗棠等 戮力削平 居位十一年 崩于熱河 三十一歲 改元咸豐



◁ 慈 禧 御 容 ▷

姓那拉氏 文宗之嬪  
 文宗崩 皇后無子  
 立那拉氏之子 尊  
 皇后及那拉氏為皇太  
 后 垂簾聽政者 四  
 十餘年 初任奕詝等  
 用人行政 頗有精  
 核之明 後因荒怠  
 政以賄成 寵宦官  
 任羣小 因戊戌政變



幽德宗于瀛台 是時無賴之徒 倡爲邪說 能避槍彈 端王信之  
倚以排外 美其名曰 義和團 由山東蔓延山西直隸 燬教堂 殺教  
民 京城內外 焚劫時聞 獨袁世凱知爲妖術 屢督兵痛剿之 剛毅  
趙舒翹謂爲均係義民 聞于太后 端王力主之 以致八國聯軍 太后  
西走 京城內外 川血山骸 中國數百年珍寶 爲外人擇取 賠兵費  
四百五十兆兩 燬大沽礮台 拆天津城 拓京城各使館 允各國駐兵  
守衛 滿清之亡 實肇于此 卒諡孝欽



◁ 同治御容 ▷

穆宗毅皇帝係文宗長子  
名載醇 八歲文宗崩  
即帝位 時髮捻各匪 幾  
徧全國 慈安慈禧兩皇太  
后垂簾聽政 慈安秉性忠  
厚 拱袂而聽西后 西后  
則呼吸霜露 逞所欲爲  
東建西築無非圖一己之樂  
人民之膏脂 國家之元  
氣 在所不計 居位十三

年 壽十九歲 清運遂衰 實見於此 改元同治 是時內治種種腐敗  
外交種種失策 不可彈述





◁ 光緒御容 ▷

德宗景皇帝 係穆宗弟

醇親王奕譞之子 穆宗崩

無子 入即位 帝幼太后

臨朝 親政後 因朝鮮事

與日本戰大敗 遂銳意

改革 擢用康有為梁啟超

等 崇尚新法 親貴大臣

讒于太后 太后復臨朝攝

政 殺劉光第 林旭 譚

嗣同 楊深秀 及康廣仁

等 康有爲梁啟超亡走外邦 西后多方索之 外邦以國事犯 不許  
遂幽德宗時聯軍入京 西后走太原 帝乃下罪己詔 派慶王奕劻 及  
大學士李鴻章 與各國議和 西后沿途供奉 至數千萬金 以私蓄損  
失 力謀恢復 遂苞苴白晝 國事日非 帝遂以憂崩 德宗誠中興有  
爲之主 苟無慈禧之牽制 用康有爲等 君主立憲之策 清運或可延  
長 居位三十年 改元光緒



◁ 宣統御容 ▷

名溥儀 載灃之子 德宗  
無嗣入即帝位 四歲載灃  
為監國攝政王 宣統三年  
詔以鐵路國有 激成大  
變 辛亥民軍起義武昌  
是時孝定景皇太后見大勢  
已去 不易挽回 恐戰事  
延長 人民塗炭 遂允退  
位 五族共和 故歷史上  
中外專制國主推翻之結果

清朝十帝事略

沒有如清屬之保全

# 6

3E1244

(1)

3E1244

(1)